


石倉十二代詩選

尺本



晚唐方外七


宮闈閨秀

唐詩九十七之百

漢書門			
三	七	四	五
九	七	函	號
一	四	二	冊

內閣文庫			
三	七	函	號
九	三	冊	類
五	四	架	類

內閣文庫			
番號	漢	3745	
冊數	142 (42)		
函號	319	25	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



石倉十二代詩選 唐卷之九十七

方外

七

明候官曹學佺闕

釋脩睦

秋日閒居

淺草文庫

是事不相關誰人似此閒卷簾當白晝移榻對

青山野鶴眠松上秋苔長雨間嶽僧頻有信昨

日得書還

宿岳陽開元寺


竟夕憑虛檻何當興歎頻往來人自老今古月

天竺寺

釋脩睦

卷九十七

山



歷代詩選 唐卷
長新風逆漁沈唱松疎鶴露身無眠鐘又動幾
客在迷津

東林寺

欲去不忍去徘徊吟繞廊水光秋澹蕩僧好語
尋常碑古苔文疊山晴鐘韻長翻思南嶽上欠
此白蓮香

寄貫休上人

淺語亦關詩常流安得知楚郊來未久吳地立
多時立月無人近歸林有鶴隨所居渾不遠相

識偶然遲

懷虛中上人

簷雨滴更殘思君安未安湘川聞不遠道路去
尋難吟鬢霜應蝕禪衣雪漸寒倚松因獨立一
鳥下江干

無悶

暮春送人

折柳亭邊手重携江煙澹澹草萋萋杜鵑不顧
離人意更向落花枝上啼

寒林石屏

草堂無物伴身閒。惟有屏風枕簟間。本向他山求得石。仍于石上看他山。

景雲

老僧

日照西山雪。老僧門始開。凍瓶粘柱礎。宿火陷
爐灰。童子病歸去。鹿麋寒入來。齋鐘知漸遠。枝
鳥下生臺。

谿叟

谿翁居處靜。谿鳥入門飛。早起釣魚去。夜深乘
月歸。露香菰米熟。煙暖苧絲肥。瀟灑塵埃外。扁
舟一草衣。

畫松

畫松一似真松樹。且待尋思記得無。曾在天台
山上見。石橋南畔第三株。

法振

病愈寄友

衰樂暗成疾。卧中方月移。西山有清士。狐嘯不

可追搗藥晝林靜
汲泉陰澗逢微蹤
與麋鹿遠謝求羊知

送常大夫赴朔方

關山今不掩
軍候鳥先知
大漢嫫姚入
烏孫部曲隨
高旌天外駐
寒角月中吹
歸到長安地
花應再滿枝

送人遊越

不須行借問
為爾話閩中
海島春寒雨
江帆日暮風
道遊玄度宅
身寄朗陵公
此別何傷遠
如

今關塞通

張舍人南溪別業

新田繞屋半
春畊藜杖閒
門引客行山
翠自成微雨
色溪花不隱
亂泉聲漁家
遠到堪留興
公府懸知亦
厭名入夜更
宜明月滿雙
童呼出解吹
笙

月夜泛舟

西塞長雲盡
南湖片月斜
漾舟人不見
卧入武陵花

送友人之上都

玉帛徵賢楚客稀，猿啼相送武陵歸。
潮頭望入桃花去，一片春帆帶雨飛。

栖白

送禪師宗極歸玉峰

昔郭去歸宿頭陀，意頗濃鶴爭栖。
遠樹猿鬪上孤峰，夜戍經霜月秋城。
過雨鐘由來無定止，何處訪高蹤。

尋山僧真勝上人相遇

松下禪栖所，苔滋逕莫分。
青山春暮見流水，夜深聞不坐看山。
石應隨出定雲，猿猱非可問巖谷。
日空曛。

日暮邊思

西北黃雲暮，聲聲畫角愁。
陰山一夜雨，白草四郊秋。
亂岬鳴寒渡，飛沙入廢樓。
何時番色盡，此地見芳洲。

送王鍊師歸嵩嶽

飄然綠毛節，杳去洛城端。
隔水見秋嶽，兼霜掃

石壇一溪松色古，半夜鶴聲寒。迴與人寰別，勞生不可觀。

送石秀才

正是歎羈遊，知音拜楚侯。何須辭遠道，自可樂扁舟。倚棹江洲雨，聞猿島岫秋。謝家山水興，終日待詩流。

月夜懷劉秀才

獨夜相思但自勞，阮生吟罷夢雲濤。此時小定未禪寂，古塔月中松磬高。

經廢宮

終日河聲咽暮空，煙愁此地畫濛濛。錦帆東去沙侵苑，玉輦西來樹滿宮。睿客望津天欲雪，朔鴻離岍葦生風。那堪獨立思前事，回首殘陽雉堞紅。

贈識古法師

重城深寺講初休，却憶家山訪舊遊。對月與君相送夜，聞蛩教我獨驚秋。雲心杳杳難爲別，鶴性蕭蕭不可留。遙想孤舟清澗上，飄然帆影起。

離愁

隱巒

牧童

牧童見人俱不會，盡著芒鞋戴箬笠。
 朝陽未出衆山晴，露滴蓑衣猶半濕。
 二月三月時，平原草初綠。
 三箇五箇騎羸牛，前村後村來放牧。
 笛聲纔一舉，衆稚齊歌舞。
 看看白日向西斜，各自騎牛又歸去。

蜀中送人遊廬山

君遊正值芳春月，蜀道千山皆秀發。
 溪邊十里五里花，雲外三峰兩峰雪。
 君上庄山我舊居，松蘿拋擲十年餘。
 君行試到山前問，山鳥只今相憶無。

琴山

七條絲上寄深意，澗水松風生十指。
 自乃知音猶尚稀，欲教更入何人耳。

處默

題聖果寺

路自中峰上盤回出薜蘿到江吳地盡隔岼越
山多古木叢青靄遙天浸白波下方城郭近鐘
磬雜笙歌

遠煙

靄靄前山上凝光滿薜蘿高風吹不盡遠樹得
偏多翠與晴雲合輕將淑氣和正堪流野目朱
閣意如何

憶廬山舊居

粗衣糲食老煙霞免抱衰顏惜歲華獨鶴祇應
山客伴閒雲常在野僧家叢生嫩蕨粘松粉自
落乾薪帶蘚花明月清風舊相得十年歸恨可
能賒

題栖霞寺僧房

名山不取買山錢任構花宮近碧巔松檜老依
雲裏寺樓臺深鎖洞中天風經險嶂回踈雨石
倚危屏挂落泉欲結茆庵體師住肯饒多少薜
蘿煙

山中作

席簾高卷枕高欹門
垂蘿蘸碧溪間把史書

眠一覺起來山日過
西

卿雲

長安言懷寄沈

故園黎嶺下歸路接
涯生作長安草勝為邊

地花雁南飛不到書
寄來賒堪羨神仙客青

雲早致家

送人遊塞

去去玉關路省君曾未行
塞深多伏寇時靜亦

屯兵雪每先秋降
花嘗近夏生閒陪射鵬將應

到受降城

舊國里

舊居黎嶺下風景近炎方
地暖生春早家貧覺

歲長石房雲過濕杉徑雨餘香
日夕竟無事詩

書聊自強

曇城

宿鄭諫議山居

堂開星斗邊大諫採薇還
禽隱石中樹月生池

上山涼風吹詠思幽語隔禪關莫擬歸城計終妨此地閒

懷齊已

鬢髯秋景兩蒼蒼靜對茅齋一炷香病後身心俱澹泊老來朋友半凋傷峨嶓山色侵雲直巫峽灘聲入夜長猶喜深交有支遁時時音信到松房

雲表

寒食日

寒食悲看郭外春野田無處不傷神平原壘壘添新塚半是去年來哭人

子蘭

登樓憶友山門盡景幾生春只此孤關興物象遠濛濛周迴極望中帶煙千井樹和磬一樓風月色寒沈地波聲夜颺空登臨無限趣恨不與君同

華嚴寺望樊川

萬水葉初紅人家樹色中疎鐘搖雨脚秋水浸

雲容雪積回寒雁。村燈促夜春。舊山歸未得。生計欲何從。

不與與道侶同于水陸寺會宿

論道窮心少有朋。此時清話昔年曾。柿凋紅葉鋪寒井。鵲墜霜毛着定僧。風迥遠聲秋澗水。竹穿深色夜房燈。出門盡是勞生者。只此長閒幾箇能。

城上吟

古塚密于草。新墳侵官道。城外無閒地。城中人

又老

襄陽曲

為憶南遊人。移家大堤住。千帆萬帆來。盡過門前去。

蟬

獨蟬初唱古槐枝。委曲悲涼斷續遲。雨後忽聞誰最苦。異鄉孤館憶家時。

長安早秋

風舞槐花落御溝。終南山色入城秋。門門走馬

歷代詩選 唐 懷楚

徵兵急公子笙歌醉玉樓

懷楚

謝友人見訪留詩

軒車誰肯到泉石自相親暮雨凋殘寺秋風悵
望人庭新一片葉衣上十年塵賴有瑤華贈清
吟愈病身

送新平故人

常聽倉庚思舊友又因蝴蝶夢生涯一千餘里
河連郭三十六峰寒到家陰島宜分東甕雁嘴

樓高入上陽鴉姜原廟北與君別應笑薄寒悲

落花

惠標

賦山

靈山蘊麗名秀出寫蓬瀛香爐帶煙上紫蓋入
霞生霧卷蓮花碧巖開石鏡明定知丘壑裏佇
佇白雲情

又

峨眉信重險天日本仙居金華抱丹竈玉笥蘊

神書幽人被薜荔怨妾採蘼蕪紫君無暮雨何時送故夫

詠水

會添疎勒井經湧貳師營玉津花色亮銀溪錦
積明舟如空裏泛人似鏡中行持將符上善利物動高情

可朋

桐花鳥

五色毛衣比鳳雛深花叢裏祗如無美人買得

偏憐惜移向金釵重幾株

贈智舟三藏

壯歲心難伏師心伏豈難尋常獨在院行坐不離壇嶽雪當禪暝松風入兜裏

文字外多

把史書看

初冬旅舍蚤懷

枕上角聲微離情未息機夢回三楚寺寒入五

更衣月沒棲禽動霜晴凍葉飛自慚行役早深

懷浦

與道相違

幕幽

酬友人見寄

家國各萬里同吟六七年
可堪隨北雁迢遞向南天
水共行人遠山將落日連
春淮有雙鯉莫怨尺書傳

三峽聞猿

誰向茲來不恨生
聲聲都是斷腸聲
七千里外一家住
十二峰前獨自行
瘴雨晚藏神女廟
蠻

煙寒鎖夜卽城憑
君且莫哀吟好會待青雲道
路平

善生

送智光之南值雨

結束衣囊了炎州
定去遊草堂方惜別
山雨爲相留
又得一宵話
免生千里愁
莫辭重卜日後會
必經秋

旅中答喻軍事問客情

一自遊他國相逢少
故人縱然爲客樂
爭似在

家貧畜恨霜侵鬢，慘詩病入神。若非憐片善，誰肯問風塵。

尚顏

懷智栖上人

臨水登山自有期，不同遊子暮何之。閒眠默坐身堪賞，已去還來事可知。林鳥隔雲飛一餉，草蟲和雨叫多時。思君最易令人老，倚檻空吟所寄詩。

峽中酬荆南鄭準

山齋西向蜀江濱，四載安居復有羣。風雁勢高猶可見，雪猿聲苦不堪聞。新詩寫出難勝寶，破衲行時却類雲。每喜泝流賓客說，元瑜刀筆潤雄軍。

贈林公

紬衣木突此鄉尊，白盡鬚眉眼未昏。醉舞神筵隨鼓笛，閒歌聖代和兒孫。黍苗一頃垂秋日，茅棟三間映古原。也笑長安名利處，紅塵半是馬蹄翻。

宿巴江

江聲五千里，瀉碧急于絃。不覺日又夜，爭教人少年。一汀巫峽月，兩岫子規天。山影似相伴，依依到客船。

遊邊

邊雲四顧濃，飢馬嗅枯叢。萬里八九月，一身西北風。偷營天正黑，戰地雪多紅。昨夜東歸夢，桃花暖色中。

居南嶽懷沈彬

石房開竹扉，茗外獨支頤。萬木還無葉，百年能幾時。隔雲聞犬過，截雨見虹垂。因憶嶽南客，晏眠吟好詩。

南中懷友生

荔枝江下立，望北幾思量。隔海無書劄，前年在漢陽。瘴村人起早，銅柱象揩光。居此成何事，尋君過碧湘。

理堂

送戴玉徵君還谷口舊居

巖穴多遺秀。公車屢遠招。周王尊涓叟。穎客傲
唐堯。出處天波洽。關河地勢遙。瞻星吳郡夜。作
霧華山朝。清論虛重席。閒居掛一瓢。漁歌思坐
酌。宸渥寵行輶。春爲荷裳煖。霜因葛履消。層崖
懸瀑溜。萬壑振清飈。谷鳥還遷木。場駒正食苗。
謝安何日起。台鼎佇君調。

玄寶路

南北東西去。茫茫萬古塵。關河無盡處。風雪有
行人。險極山通蜀。平多地入秦。營營名利者。來

往豈辭頻

庾樓

郡樓名甚遠。幾換見樓人。庾亮魂應在。清風到
白蘋。晴軒分楚漢。夜酒揖星辰。何必匡山上。獨
言無世塵。

寄華山司空圖

門徑放莎長。往來投刺稀。有時開御札。特地掛
朝衣。嶽信僧傳去。仙香鶴帶歸。他年二南化。無
復更衰微。

石倉十二代詩選

唐卷之九十七

終

滄對各其表幾與良對人與泉與飄玉帶風怪

與對

掛豈綱賦

石倉十二代詩選

宗風

無三祖鑑智禪師信心銘

至道無難惟嫌揀擇但莫憎愛洞然明白毫釐

有差天地懸隔欲得現前莫存順逆違順相爭

莫為心病不識玄旨徒勞念靜圓同太虛無欠

無餘良由取捨所以不如莫逐有緣勿住空恐

一種平懷泯然自盡

心懷又

歷代詩選

唐詩且宗風

卷九十八

祥

心動歸止止更彌動惟滯兩邊寧知一種一種
不通兩處失功遣有沒從空背空多言多慮
轉不相應絕言絕慮無處不通歸根得旨隨照
失宗須更返照勝却前空

又

二由一有一亦莫守一心不生萬法無咎無咎
無法不生不心能由境滅境逐能沈境由能境
能由境能欲知兩段元是一空叶一空同兩齊
含萬象不見精龕寧有偏黨

又

大道體寬無易無難小見狐疑轉急轉遲執之
失度必入邪路放之自然體無去住任性合道
逍遙絕惱繫念乖真昏沈醜好不用勞神枉白
踈親欲取一乘勿捨六塵

又

六塵不惡還同正覺智者無爲愚人自縛法無
異法妄生愛着將心用心豈非大錯夢习空花
何勞把捉得失是非一時放却眼若不睡諸夢

自除心若不異萬法自如

一如體玄兀爾忘緣萬法齊觀歸復自然一切

不畱無可記憶虛明自照不勞心力一卽一切

一切卽一但能如是何慮不畢信心不二不二

信心言語道斷非去來今

右三祖僧璨大師雖以隋大業二年示寂然

賜謚入塔寔唐玄宗開元年也信心銘以傳

四祖道信道信大師迺爲述之云

神秀禪師題廊壁偈

身是菩提樹心如明鏡臺時時勤拂拭勿使惹

塵埃

六祖慧能禪師題和


菩提本無樹明鏡亦非臺本來無一物何處惹

塵埃

說法偈

心地含諸種普雨悉皆生頓悟華情已菩提果

自成



牛頭法融禪師答博陵王問

法性本基業夢境成差互實相微細身色心常
不悟忽逢混沌士哀怨愍羣生託疑廣設問抱
理內常明生死幽徑徹毀譽心不驚野老顯分
答法相媿來儀蒙發羣生藥還如色性為

牛頭智威禪師與慧忠問答

人生莫繫念念成生死河輪迴六趣海無見出
長波師念想由來習性自無終始若得此中意
長波當自止忠余本性虛無緣妄生人我如何

息妄情還歸空處坐師虛無是實體人我何所
存忘情不須息即泯般若船忠

洪州法達禪師述

經誦三千部曹谿一句無未明出世指寧歇累
生狂羊鹿牛權設初中後善揚誰知火宅內元
是法中王師

信州智常禪師參六祖祖示以偈

不見一法存無見大似浮雲遮日面不知一法
守空知還如太空生閃電此之知見瞥然興錯

認何曾解方便汝當一念自知非自己靈光常顯見

明州布袋和尚口占

一鉢千家飯孤身萬里遊青天覩人少問路白

雲頭

潭州隱山和尚

三間茅屋從來住一道神光萬境閒莫把是非來辨我浮生穿鑿不相關

江西道一禪師示眾

心地隨時說菩提亦祇寧事理俱無礙當生即

不生

趙州從諗禪師將遊五臺學人作偈留之

無處青山不道場何須策杖禮清涼雲中縱有

金毛現正眼傍觀非吉祥

百八集諗師句

石幢子被風吹折丈六金身煩惱招若與空王

為弟子莫教心病最難療

長沙招賢禪師偈

學道之人不識真，祇為從前認識神。無始劫中生死本，痴人喚作本來人。

百尺竿頭未得休，堂堂有路少人遊。禪師願達南泉去，滿日青山萬萬秋。


福州龜山正元禪師示徒偈
滄溟幾度變桑田，惟有虛空獨湛然。已到岍人休戀筏，未曾度者要須船。

龜山智具禪師示徒偈
心本絕塵何用洗，身中無病豈求醫。欲知是佛非身處，明鏡高懸未照時。

示衆偈 時值武宗沙汰作
勅命如雷下翠微，風前垂淚脫禪衣。雲中有寺不容住，塵裏無家何處歸。

又
明月分形處處新，白衣寧墜解空人。誰言在俗妨脩道，金粟曾為居士身。

河中府公畿和尚偈語



有名非大道是非俱不禪
意識箇中意黃葉上啼錢

福州靈雲志勤禪師悟道偈

三十年來尋劍客幾回落葉
抽枝自從一見桃花後直到如今更不疑

秀州華亭德誠禪師示衆

千尺絲綸直下垂一波纔動萬波隨
夜靜水寒魚不食滿船空載月明歸

鼎州李翱刺史嚮藥山玄化

鍊得身形似鶴形千株松下兩函經
我來問道無餘說雲在青天水在鉢

潭州石霜山慶諸禪師

頌洞山五位王子誕生

九重密處復何宣挂弊由來顯妙傳
祇奉一人天地貴從他諸道自分權
紫羅帳合君臣隔黃閣簾垂禁制全
爲汝方隅宮屬戀遂將黃葉止啼錢

南嶽玄泰禪師畚山謠

畚山兒畚山兒無所知年年斫斷青山嶺就中
最好衡嶽色杉松利斧摧貞枝靈禽野鶴無因
依白雲回避青煙飛猿猱路絕岩崖出芝朮失
根茆草肥年年斫罷仍再鋸千秋終是難復初
又道今年種不多來年更斫當陽坡

張拙呈禪月大師

光明寂照徧河沙凡聖含靈共我家一念不生
全體現六根纔動被雲遮斷除煩惱重增病趣
向真如亦是邪隨順世緣無罣礙涅槃生死等

空花

袁州木平山善道禪師詠

木平山裏人貌古言復少相看陌路同論心秋
月皎壞衲線非蠶助歌聲有鳥城闕今日來一
漚曾已曉

永嘉真覺大師證道歌

君不見絕學無爲閒道人不除妄想不求真無
明實性卽佛性习化空身卽法身法身覺了無
一物本源自性天真佛五蘊浮雲空去來三毒

水泡虛出沒。要證實相無人法。刹那滅却阿鼻業。若將妄語誑衆生。自招拔舌塵沙劫。頓覺了如來禪六度萬行體。中圓夢裏明明有六趣。覺後空空無大千。無罪福無損益。寂滅性中莫問覓。比來塵鏡未曾磨。今日分明須剖析。誰無念誰無生。若實無生無不生。喚取機關木人問。求佛施功早晚成。放四大莫把捉。寂滅性中隨飲啄。諸行無常一切空。卽是如來大圓覺。決定說表真乘。有人不肯任情銜。直截根源佛所印。摘

葉尋枝我不能。摩尼珠人不識。如來藏裏親收得。六般神用空不空。一顆圓光色非色。宗亦通說亦通。定慧圓明不滯空。非但我今獨達了。河沙諸佛體皆同。

寒山子雜詩 其一

重巖我卜居。鳥道絕人迹。庭際何所有。白雲抱幽石。任茲凡幾年。屢見春冬易。寄語鐘鼎家。虛名定何益。

其二

可笑寒山道。而無車馬蹤。聯溪難記曲。疊嶂不

知重泣露千般草。吟風一樣松。此時迷徑處。形問影何從。

其三

欲得安身處。寒山可長保。微風吹幽松。近聽聲愈好。下有斑白人。喃喃讀黃老。十年歸不得。忘却來時道。

其四

山中何太冷。自古非今年。沓嶂恒凝雪。幽林每吐煙。草生芒種後。葉落立秋前。此有沈迷客。窺

窗不見天。

其五

城中娥眉女。珠珮何珊珊。鸚鵡花前弄琵琶。月下彈長歌。三月響短舞。萬人看未必。長如此。芙蓉不耐寒。

其六

吾家好隱淪。居處絕囂塵。踐草成三徑。瞻雲作四隣。助歌聲有鳥。問法語無人。今日娑婆樹。幾年爲一春。

其七

琴書須自隨。祿位用何爲。
投輦從賢婦。巾車有孝兒。
風吹曝麥地。水溢沃魚池。
常念鷓鴣鳥。安身在一枝。

其八

鸚鵡宅西國。虞羅捕得歸。
美人朝夕弄。出入在庭幃。
賜以金籠貯。局哉損羽衣。
不如鴻與鵠。颺入雲飛。

其九

家住綠岩下。庭蕪更不芟。
新藤垂繚繞。古石豎嶢岩。
山菓獼猴摘。池魚白鷺銜。
仙書一兩卷。樹下讀喃喃。

其十

茅棟野人居。門前車馬踈。
林幽偏聚鳥。溪澗本藏魚。
山菓携兒摘。臯田共婦鋤。
家中何所有。惟有一牀書。

其十一

登陟寒山道。寒山路不窮。
谿長石磊磊。澗澗草

濛濛苔滑非關雨，松鳴不假風。誰能超世累，共坐白雲中。

其十二

獨卧重巖下，蒸雲晝不消。室中雖踰髮，心裏絕喧囂。夢去遊金闕，魂歸度石橋。拋除鬧我者，歷歷樹間瓢。

其十三

相喚採芙蓉，可憐清江裏。遊戲不覺暮，屢見狂風起。浪捧鴛鴦兒，波搖鸚鵡子。此時居舟楫，浩蕩情無已。

其十四

出生三十年，常遊千萬里。行江碧草合，入塞紅塵起。鍊藥空求仙，讀書兼詠史。今日歸寒山，枕流以洗耳。

其十五

以我栖遲處，幽深難可論。無風蘿自動，不霧竹長昏。澗水緣誰咽，山雲忽自屯。午時庵內坐，始覺日頭暎。

其十六

今日岩前坐坐久。煙雲收。一道清溪冷。千尋碧嶂頭。白雲朝影靜。明月夜光浮。身上無塵垢。心中那更憂。

其十七

花上黃鶯子。間關聲可憐。美人顏似玉。對此弄鳴絃。翫之能不足。眷戀在韶年。花飛鳥亦散。灑淚春風前。

其十八

歲去換愁年。春來物色鮮。山花笑綠水。巖樹舞青煙。蜂蝶白云樂。禽魚更可憐。朋遊情未已。徹曉不能眠。

其十九

一向寒山坐。淹留三十年。昨來訪親友。大半入黃泉。漸滅如殘燭。長流似逝川。今朝對孤影。不覺鬢雙懸。

其二十

徒閉蓬門坐。頻過歲月遷。惟聞人作鬼。不見鶴

歷代詩選 唐寒山子
成仙念此那堪說隨緣須自憐迴瞻郊郭外古
墓犁爲田

其二十一

層層山水秀煙霞鎖翠微嵐拂紗巾濕露霑蓑
草衣足躡遊方履手執古藤枝更觀塵世外夢
境復何爲

其二十二

誰家長不死死去亦何均始憶七尺軀俄成一
聚塵黃泉無日曉青草有時春行到傷心處松

風愁殺人

其二十三

卜擇幽居地天台更莫言猿啼谿霧冷嶽色草
門連竹葉覆松室開池引澗泉已甘休萬事採
蕨度殘年

其二十四

時人尋雲路雲路杳無蹤山高多嶮峻澗澗少
玲瓏碧嶂前兼後白雲西復東欲知雲路在雲
路在虛空

其二十五

山客心悄悄常嗟歲序遷辛勤采芝朮搜斤詎
成仙庭廓雲初卷林明月正圓不歸何所為桂
樹相畱連

其二十六

有一餐霞子其居諱俗遊論時實蕭爽在夏亦
如秋幽澗常瀝瀝高松風颼颼其中半日坐忘
却百年愁

其二十七


我見世間人茫茫走路塵不知此中事將何為
去津榮華能幾日眷屬片時親縱有千斤金不
如林下貧

其二十八

去年春鳥鳴此時思弟兄今年秋菊爛此時思
發生綠水千場咽黃雲四靄平哀哉百年內腸
斷憶咸京

其二十九

我聞天台山中_有琪樹永言欲攀上莫繞石



歷代詩選 唐寒山子
橋路緣此生悲歎幸居將已暮今日觀鏡中颯
颯髮垂素

其三十

寒山栖隱處絕得世人過時逢林內鳥相共唱
山歌瑞草聯谿谷老松枕嗟峨可觀無事客憩
歇在岩阿

其三十一

寒巖深更好無人行此道白雲高岫閒青嶂孤
猿嘯我更何所親暢志自宜老形容寒暑遷心

其三十二

欲向東巖去于今無量年昨來板葛上半路困
風煙徑窄衣難進苔粘履不前任茲丹桂下且
枕白雲眠

其三十三

白雲高嗟峨綠水蕩潭波此處聞漁父時時鼓
棹歌聲聲不可聽令我愁思多誰謂雀無角其
如穿屋何

其三十四

千雲萬水間中有一閒士
白日遊青山夜歸岩
下睡倏爾過春秋寂然無塵累
快哉何所依
若秋江水

其三十五

高高峰頂上四顧極無邊
獨坐無人知孤月照
寒泉泉中且無月月自在青天吟
此一曲歌歌
中不是禪

其三十六

自羨山間樂逍遙無倚托
逐日養殘軀閒思無
所作時披古佛書往往登石閣
下窺千尺崖上有雲盤礴
寒月冷颼颼身似孤飛鶴

其三十七

棲遯寒岩下偏訝最幽奇
携籃採山茹挈籠摘
菓歸蔬齋敷茅坐啜啄食紫芝
清沼濯瓢鉢雜
和煮稠稀當陽擁裘坐閒讀古人詩

七言雜詩

一任寒山萬事休更無雜念掛心頭
閒于石壁

題詩句任運還同不繫舟

其二

余家本住在天台雲路煙深絕客來千仞巖巒
深可遯萬重谿澗石樓臺

拾得詩

君見月光明照燭四天下圓輝掛太虛瑩淨能
瀟灑人道有虧盈我見無衰謝狀似摩尼珠光
明無晝夜

又

迢迢山徑險萬仞復多危石橋莓苔綠時見片
雲飛瀑布懸如練月影落潭輝更登華頂上猶
待孤鶴期

雪峰義存祖師偈

天色清明綠嶂分色身趨背底辛勤法門一悟
無生指萬里虛空絕點雲

自述

思量未到雪峰時愛把浮生取次疑及至法門
非法法到頭無我亦無師

歷代詩選 唐永明歸宗

永明延壽禪師 上堂

孤猿叫落中巖月野客吟殘半夜燈此境此時誰得意白雲深處坐禪僧

歸宗芝禪師 結菴絕頂

千峰頂上一間屋老僧半間雲半間昨夜雲隨風雨去到頭不似老僧閒

法昌遇禪師 上堂語

春山青春水綠一覺南柯夢初足携筇縱步出松門是處桃英香馥郁因思昔日靈雲老三十年來無處討如今競愛摘楊花紅香滿地無人掃

掃

明候宿曹學倫閱

石倉十二代詩選

唐卷之九十八

終

歷代詩選

唐法昌禪師

卷九十八

十九

唐詩選 卷九十九

山青春水綠一覺南柯夢初足
爭來無處情咬今慧愛辭賦
珠香蘇州無人

石倉十二代詩選

唐卷之九十九

宮闈

明候官曹學佺闕

長孫后

太宗后 謚文德

山來遊春曲

上苑杏花朝日明
蘭閨艷妾動春情
井上新桃偷面色
簷前嫩柳學身輕
花中去來看舞蝶
樹上長短聽流鶯
林下何須遠借問
出衆風流舊有名

徐賢妃

名惠太宗妃 湖州人

歷代詩選

唐宮闈詩 卷九十九

祥

秋風函谷關應詔

秋風起函谷，朔氣動河山。
偃松千嶺上，雜雨二陵間。
低雲愁廣隰，落日慘重關。
此時飄紫氣，應念真人還。

賦得北方有佳人

由來稱獨立，本自號傾城。
柳葉眉間發，桃花臉
上生。腕搖金釧響，步轉玉環鳴。
纖腰宜寶袜，紅衫艷織成。
懸知一顧重，別覺舞腰輕。

長門怨

舊愛栢梁臺，新寵昭陽殿。
守分辭芳輦，含情泣團扇。
一朝歌舞榮，夙昔詩書賤。
君恩誠已矣，覆水難重薦。

粧殿答太宗

朝來臨鏡臺，粧罷暫徘徊。
千金始一笑，一召詎能來。

山武則天

名曷高宗
后文水人

遣使宣詔幸上苑

明朝遊上苑，火速報春知。
花須連夜發，莫待曉

風吹

同太平公主遊九龍潭

山窗遊玉女澗戶對瓊峰巖頂翔雙鳳潭心倒
九龍酒中浮竹葉杯上瀉芙蓉欲驗山家賞惟
有入松風

如意娘

看珠成碧思紛紛憔悴支離為憶君不信別來
長下淚開箱驗取石榴裙

陪駕幸嵩山

陪鑾遊禁苑侍賞出蘭闈雲掩攢峰蓋霞低擁
浪旂日宮疏澗戶月殿啓巖扉金輪轉金地香
閣曳香衣鐸吟輕吹發幡搖薄霧霏昔遇焚芝
火山紅迎野飛花臺無半影蓮塔有全輝寔賴
能仁力攸資善世威慈緣典福緒于此永皈依
風枝不可靜泣血竟何追

上官昭容

名婉兒
中宗妃

奉和聖製立春侍宴內殿出剪綵花應制
密葉因裁吐新花遂剪舒攀條雖不謬摘藻詎

歷代詩選 唐宮闈詩 三
知虛春至由來發秋還未肯疎借問桃將李相
亂欲何如

奉和九月九日登慈恩寺浮圖應制

帝里重陽節香園萬乘來却邪更入佩獻壽菊
傳杯塔類承天湧門疑待佛開睿詞懸日月長
侍御昭回

奉和三會寺應制

釋子談經處軒臣刻字留故臺遺老在殘簡聖
君求駐蹕懷千古開襟望九州四山緣塞合三

水夾城流宸翰陪瞻仰天杯接獻酬太平詞藻
盛長願紀鴻休

駕幸新豐溫泉宮獻詩三首

三冬季月景新年萬乘觀風出灞川遙看電躍
龍爲馬迴矚相原玉作田

其二

鸞旂掣曳拂空回羽騎驂驪躡景來隱隱驪山
雲外聳迢迢御帳日邊開

其三

宮闈詩 卷九十九 四

翠幕珠闈敞月營金罍玉笋泛蘭英歲歲年年
常扈蹕長久久樂昇平

綵書怨

葉下洞庭初思君萬里餘露濃香被冷月落錦
屏虛欲奏江南曲貪封薊北書書中無別意惟
悵久離居

楊貴妃

玄宗妃

贈張雲容舞

羅袖動香香不已紅蕖裊裊秋煙裏輕雲嶺上

乍搖風嫩柳池邊初拂冰

江采蘋

玄宗妃
莆田人

謝賜珍珠

桂葉雙眉久不描殘粧和淚濕紅綃長門盡日
無梳洗何必珍珠慰寂寥

開元宮人

戰袍詩

沙場征戍客寒苦若為眠戰袍經手作知落阿
誰邊畱意多添線含情更着綿今生已過也願

結後生緣

天寶宮人

題梧葉

一入深宮裏年年不見春聊題一片葉寄與有情人

杏葉詩

一葉題詩出禁城誰人酬和獨含情自嗟不及波中葉蕩漾乘春取次行

韓宮人

僖宗時

題紅葉詩

流水何太急深宮盡日閒殷勤謝紅葉好去到人間

感懷詩

一聯佳句隨流水十載幽思滿素懷今日却成鸞鳳友方知紅葉是良媒

僖宗宮人

鎖袍詩

玉燭製袍衣金刀呵手裁鎖情寄千里鎖心終

歷代詩選

唐宮詞詩

卷九十九

下

丁

歷代詩選 屏宮閣詩 卷六

不開

宜芬公主 玄宗時

題屏風詩

出嫁辭鄉國由來此別難
聖恩愁遠道行路泣
相看沙塞容顏盡
邊隅粉黛殘
妾心何處斷
他日望長安

武陵王蕭妃

夜夢

去年夢君歸
賤妾不鳴機
極知意氣薄
不着去

時衣古言如夢裏
賴得雁書飛

龍城費王

寄人詩

羞解鳴璫尋漢渚
但憑春夢到天涯
紅樓日暮鶯飛去
愁殺深宮落砌花

宋若昭 德宗妃 貝州人

奉和御製麟德殿燕百僚

垂衣臨入極
肅穆四門通
自是無為化
非關輔相功
脩文招隱伏
尚武殄妖凶
德立韶光熾
恩

唐宮閣詩 卷九十九

沾雨露濃衣冠陪御燕禮樂盛朝宗萬壽稱觴
日千年信一同

宋若憲

德宗妃
若昭妹

奉和御製麟德殿燕百僚

端拱承休命時清荷聖皇四聰聞受諫五服遠
朝王景媚暄初轉春殘日正長御筵多濟濟盛
樂復鏘鏘宴鎬誰能敵橫汾未可方願齊山岳
壽福祉永無疆

嘲陸暢詩

十二層樓倚翠空鳳鸞相對立梧桐雙成走報

監門衛莫使吾飲入漢宮

鮑君微

德宗妃
字文姬

奉和御製麟德殿宴百僚應制

睿澤光寰海功成展武韶戈鋌清外壘文物盛
中朝聖祚山河固宸章日月昭玉筵鸞鵠集仙
管鳳皇調御柳新堤綠宮鶯乍轉嬌願承億兆
慶千祀奉神堯

東亭茶燕

閒朝向晚出簾櫳。茗燕東亭四望通。遠眺城池
山色裏。俯聆絃管水聲中。幽篁引沼新抽翠。芳
槿低簷欲吐紅。坐久此中無限興。更憐團扇起
清風。

關山月

高高秋月明。北照遼陽城。寒回光初滿。風多暈
更生。征人望鄉思。戰馬聞鼓驚。朔風悲邊草。胡
沙暗虜營。霜凝匣中劍。雲蔽原上旌。早晚謁金
闕。不聞刁斗聲。

惜春花

枝上花花下人。可憐顏色俱青春。昨日看花花
灼灼。今日看花花欲落。不如盡此花下歡。莫待
春風總吹却。鶯歌蝶舞媚韶光。紅爐煮茗松花
香。粧成冷態恣遊樂。獨把花枝歸洞房。

費氏

蜀孟和妃號
花藥夫人

宮詞

五雲樓閣鳳城間。花木長新日月閒。三十六宮
連內苑。太平天子住崑山。

歷代詩選 唐宮閣詩 九
會真殿廣約宮牆樓閣相扶倚太陽淨甃玉階
橫水岬御爐香氣撲龍牀
龍池九曲遠相通楊柳絲牽兩岬風長似江南
好風景畫船來去碧波中

厨盤進食簇時新侍宴無非列近臣日午殿頭
宣索膾隔花催喚打魚人
離宮別院繞宮城金版輕敲合鳳笙夜夜月明
花樹底傷池長有按歌聲
御製新翻曲子成六宮纔唱未知名盡將感篋

來抄譜先按君王玉篴聲
春風一面曉粧成偷折花枝傍水行却被內監
遙覩見故將紅豆打黃鶯

內人追逐采蓮時驚起沙鷗兩岬飛蘭棹把來
齊拍水金船相鬪濕羅衣
選進仙韶第一人才勝羅綺不勝春重教按舞
桃花下只踏殘紅作地茵
夜寒金屋篆煙飛燈燭分明在紫微漏永禁宮
三十六燕回爭踏月輪歸

歷代詩選 卷之四
金井秋啼絡緯聲。出花宮漏報嚴更。不知誰是
金鑾直。玉宇沈沈夜氣清。
內庭秋燕玉池東。香散荷花水殿風。阿監采菱
牽錦纜。月明猶在畫船中。
翠華香重玉爐添。雙鳳樓頭曉日暹。扇掩紅鸞
金殿悄。一聲清蹕捲珠簾。
鬪草深宮玉檻前。春蒲如箭荇如錢。不知紅藥
欄干曲。日暮何人落翠鈿。
太液波清水殿涼。畫船驚起宿鴛鴦。翠眉不及

池邊標取次飛花入建章

蕙炷香銷燭影殘。御衣薰盡徹更闌。歸來困頓
眠紅帳。一枕西風夢裏寒。

三清臺近苑牆東。樓檻層層映水紅。盡日綺羅
人度曲。管絃聲在半天中。

蜀順聖太后徐氏

徐耕女

謁丈人觀先帝御容

千尋綠嶂夾流溪。登眺因知海嶽低。瀑布迸春
青石碎。輪茵橫剪翠峰齊。步粘苔蘚龍橋滑。身

閉煙蘿鳥徑迷莫道穹天無路到此山逾是碧
雲梯

題漢州三學山至夜看聖燈

虔禱遊靈境元妃夙志同玉香焚靜夜銀燭炫
遼空泉漱雲根月鐘敲會杪風印金標聖迹飛
石頭神功滿望江淮極臨西日脚紅猿來齋室
上僧集講筵中頓覺超三界渾疑證六通願成
儵偃事社稷保延洪

禱青城山回

周遊靈境散幽情千里江山暫得行所恨風光
看未足卻驅金翠入龜城

蜀翊聖太妃徐氏

太后妹

謁丈人觀先帝御容

其謁御容儀還同在禁闈笙歌喧寶殿彩仗耀
金徽清淚沾羅袂紅霞拂赭衣九疑山水遠無
路斷湘妃

題金華館

碧雲紅霧撲人衣宿露沾苔石逕危風巧解吹

松上曲蝶嬌頻采
臉邊脂同尋僻徑
思携手暗指遙山
學畫眉好把身心
清淨出角冠霞帔
事希夷

題彭州陽平地

雲浮翠輦屈陽平
真似驂鸞到上清
風起半厓聞虎嘯
雨來當面見龍行
晚尋水澗尋松韻
夜上星壇看月明
長恐前身居此境
玉堂教向錦城生

題漢州三學山至夜看聖燈

聖燈千萬炬
旋向碧雲生
細雨濕不暗
好風吹更明
磬敲金地響
僧唱梵天聲
若說無心法
此光如有情

禱青城山回

翠驛江亭近玉亭
夢魂猶是在青城
比來出看江山景
卻被江山看出行

李舜絃夫人

蜀宮應制

濃樹禁花開後庭
飲筵中散酒醒醒
濛濛雨草

歷代詩選

唐宮闈詩

十三

瑤階濕鐘曉愁吟獨倚屏

釣魚不得

盡日池邊釣錦鱗
芰荷香裏暗銷魂
依稀縱有尋春餌
知是金鈎不肯吞

隨駕出遊青城

因隨八駿上仙山
頓隔塵埃物象間
只恐西追王母宴
却憂難得到人間

右宮闈詩初盛集內如徐賢妃上官昭容有
已入選者茲成編稍重複一二云

石倉十二代詩選

唐卷之一百

閨秀

明候官曹學佺閱

士人妻

武后朝

詠離別難

此別難重陳
花飛復戀人
來時梅覆雪
去日柳含春
物候催行客
歸途淑氣新
剡川今已遠
魂夢暗相親

林氏

薛元駿妻
丹陽人

送男彥輔在貶詩

他日初投杼
勤王在隱兵
有辭期不罰
積意許相仍
謫宦今何在
銜冤猶未勝
天涯分越徼
驟

歷代詩選

唐閨秀詩

卷一百

一

合

騎速毗陵腸斷茶非苦書傳寫豈能淚添江水
遠心劇海雲蒸明月珠難識甘泉賦可稱但將
忠報主何懼點青蠅

張夫人

吉中
孚妻

拾得華氏花鈿以詩寄贈

今朝妝閣前拾得舊花鈿粉汚痕猶在塵侵色
尚鮮曾經纖手製貼向翠眉邊能助千金笑如
何忍弃捐

柳絮

靄靄芳春朝雪絮起青條或值花同舞不因風

自飄過樽浮綠醕拂幌綴紅綃那用持愁翫春
懷不自聊

古意

轆轤曉轉素絲縷桐聲夜落蒼苔磚涓涓吹溜
若時雨濯濯嘉蔬非用天丈人不解此中意抱
甕當時徒自賢

拜新月

拜新月拜月出堂前暗魄深籠桂虛弓未引弦
拜新月拜月妝樓上鸞鏡未安臺蛾眉已相向

拜新月拜月不勝情庭前風露清月臨人自老
人望月長生東家阿母亦拜月一拜一悲聲斷
絕昔年拜月騁容儀如今拜月淚雙垂回看眾
女拜新月却憶閨中年少時

誚喜鵲

疇昔鴛鴦侶朱門賀客多如今無此事好去莫
相過

趙氏

冠坦母

擬古意

鬱蒸夏將半暑氣扇飛閣驟雨滿空來當軒捲

羅幕度雲開夕霽宇宙何清廓明月流素光輕
風換炎爍孤鸞傷對影瑤瑟悲別鶴君子去不
還搖心欲何託

其二

金菊延清霜玉壺多美酒良人久不歸芳菲豈
常有不惜芳菲歇但傷離別久含情罷斟酌凝
怨對窗牖

其三

霽雪舒長野寒雲伴秋谷嚴風振枯條啼猿抱

冰木所嗟遊宦子少小荷天祿前程未云至悽
愴對車僕歲寒成詠歌日暮棲林樸不憚行路
險空悲年運促

蔣馥彥輔之孫贈鄭女古意

昨夜巫山中失却陽臺女朝來香閣重獨伴楚
王語艷陽灼灼河洛神珠簾繡戶朱樓春能彈
箜篌弄纖指愁殺門外少年子笑開一面紅粉
妝東園幾處桃花死朝理曲暮理曲獨坐窗前
一片玉行也嬌坐也嬌見之令人魂魄銷堂前


錦褥紅地爐綠沈香榼傾屠蘇解佩時時歌歌
管芙蓉帳裏蘭麝滿晚起羅衣香不斷滅燭每
嫌秋夜短

贈故人

昔別容如玉今來髮若絲淚痕應共見腸斷阿
誰知

張文姬鮑參軍妻詠雙槿樹

綠葉競扶疎紅姿相照灼不學桃李花亂向春
風落



池上行

此君臨此池枝低水相近碧色綠波中日月流
不盡

沙上鷺

沙頭一水禽鼓翼揚清音只待高風便非無雲
漢心

溪口雲

溶溶溪口雲纔向溪中吐不復歸溪中還作溪
頭雨

郎大家宋氏詠采桑

春來南雁歸日去西蠶遠妾思紛何極君遊殊
未返

朝雲引

巴西巫峽指巴東朝雲觸石上朝空巫山巫峽
高何已行雨行雲一時起一時起三春暮春暮
若言來且就陽臺路

擬晉女劉妙容宛轉歌二首

風已清月朗琴復鳴掩抑非千態殷勤是一聲

歌宛轉宛轉和且長願為雙黃鵠比翼共翱翔

其二

日已暮長簷鳥聲度望君君不來思君君不顧

歌宛轉宛轉那能異棲宿願為形與影出入恒

相逐

田娥寄遠詩

憶昨會詩酒終日相逢迎今來成故事歲月令

人驚淚流紅粉薄風度羅衣輕難為子猷志虛

負文君名

携手曲

携手共惜芳菲節鶯啼錦花滿城闕行樂逶迤

念容色色衰祇恐君恩歇鳳笙龍管白日陰盈

虧自感中天月

喬氏

喬知之妹

詠破簾

已漏風聲擺繩持也不禁一從經落節無復有

貞心

侯氏

張揆妻

繡龜形詩

睽離已是十秋強對鏡那堪重理妝聞雁幾回

脩尺素見霜先為製衣裳開箱疊練先垂淚拂
杵調砧更斷腸繡作龜形獻天子願教征客早
還鄉

趙氏

杜羔妻

雜言寄杜羔

君從淮海遊再過蘭杜秋歸來未須臾又欲向
梁州梁州秦嶺西棧道與雲齊羗蠻萬餘落矛
戟自高低已念寡儔侶復慮勞攀躋丈夫重志
氣兒女空悲啼臨叩滯遊地肯顧濁水泥人生
賦命有厚薄君但遨遊安寂寞

贈羔下第

良人的的有奇才何事年年被放回如今妾面
羞郎面若到來時近夜來

聞杜羔登第

長安此去無多地鬱鬱葱葱佳氣浮良人得意
正年少今夜醉眠何處樓

代杜羔贈人

澹澹春風花落時不堪秋望更相思無金可買
長門賦有恨空吟團扇詩

孫氏

孟昌黎妻

聽琴詩

玉指朱弦軋復清
湘妃愁怨最難聽
初疑颯颯涼風勁
又似蕭蕭暮雨零
近若流泉來碧嶂
遠如玄鶴下青冥
夜深彈罷堪惆悵
霧濕蘭叢月滿庭

白蠟燭詩贈人

景勝銀缸香比蘭
一條白玉逼人寒
他時紫禁春風夜
醉草天書仔細看

謝人送酒

謝將清酒寄愁人
澄澈甘泉氣味真
好是綠窗風月夜
一杯搖蕩滿懷春

裴柔之

元稹妻

答外詩

侯門初擁節御苑柳絲新
不是悲殊命惟愁別近親
黃鶯遷古木朱履徙清塵
想到千山外滄州正暮春

鄭紹蘭

鄭行先女

燕足寄夫詩

我婚去重湖臨窗泣血書
殷勤憑燕翼寄與薄情夫

張氏

彭抗妻

寄外詩

久無音信別羅幃路遠迢迢遣問稀聞君折得東堂桂拆罷那能不暫歸

其二

驛使今朝過五湖殷勤爲我報狂夫從來誇有龍泉劍試割相思得斷無

慎氏

名王史嚴確夫妻毗陵人

留別詩

當時心事已相關雨散雲飛一餉間便挂孤帆從此去不堪重過望夫山

崔氏

盧象妻

述懷詩

不怨盧郎年紀大不怨盧郎官職卑自恨妾身生較晚不及盧郎年少時

程長文

番陽人

獄中書情上使君

妾家本任鄱陽曲一片堅心比孤竹當年二八盛容儀紅牋草隸恰如飛盡日閒窗刺繡坐有時極浦采蓮歸誰道居貧守都邑幽居寂莫無人入海燕朝歸枕席寒山花夜落階墀濕強暴之男何所爲手持白刃向簾幃一命任從刀下

死千金豈受暗中欺我心匪石情難轉志奪秋
霜意不移血濺羅衣終不恨瘡粘錦袖亦何辭
縣僚會未知情緒即便教人繫囹圄朱唇滴瀝
獨銜冤玉筋欄干歎非所十月寒更堪愁人一
聞擊柝一傷神高髻不梳雲已散蛾眉淡掃月
仍新三尺嚴章焉可越百年心事向誰說但看
洗雪出園扉始信白圭無玷缺

銅雀臺

君子去後行人絕簫箏不響歌喉咽雄劍無威
光彩沈寶琴零落金星滅玉階寂寞墜秋露月
照當時歌舞處當時歌舞人不回化為今日西
陵灰

春閨怨

綺陌香飄柳如線時光暖息驚流電良人何處
事功名十載相思不相見

魏氏

求已之妹

贈外詩

浮萍依綠水弱蔦寄青松與君結大義移天得
所從翰林無雙鳥劍木不分龍諧和類琴瑟堅

固同膠漆義重恩欲深夷險貴如一本自身不
 令積多嬰痛疾朝夕倦床枕形體耻巾櫛遊子
 困風塵從官初解巾束裝赴南郢脂駕出西秦
 比翼終難遂銜雀苦未因徒悲楓岫遠空對柳
 園春男兒不重舊丈夫多好新新人喜新聘朝
 朝臨妝鏡兩鴛固無比雙蛾誰與競詎憐愁思
 人含啼嗟薄命薜華不足恃松枝有餘勁所願
 好九思勿令虧百行

王韞秀

忠嗣女元載妻請偕行

西秦
 歸掃飢寒跡天哀志氣人休零離別淚携手久

寄姨妹

相國已隨麟閣貴家風第一左丞詩笄年解笑
 鳴機婦耻見茲亦富貴時

諫外

楚水燕歌動畫梁更闌重換舞衣裳公孫開館
 招佳客知道浮雲不久長

劉媛長門怨

雨滴梧桐秋夜長。愁心和雨到昭陽。淚痕不學君恩斷。拭却千行更萬行。

其二

學畫蛾眉獨出羣。當時人道便承恩。經年不見君王面。花落黃昏空掩門。

鮑四絃勸韋酒歌

白露濕庭砌。皓月臨前軒。此時去留恨。含思獨無言。

勸鮑生酒歌

風飈荷珠雖暫圓。多情信有短因緣。西樓今夜三更月。還照離人泣斷絃。

吳英秀詠鸚鵡

莫把金籠閉鸚鵡。箇箇聰明解人語。忽然更向君前言。三十六宮愁幾許。

關盼盼

張建封妾

燕子樓詩

樓上殘燈伴曉霜。獨眠人起合歡牀。相思一夜情多少。地角天涯未是長。

其二

適看鴻雁岳陽迴。又覩玄禽逼社來。瑤瑟玉簫無意緒。任從蛛網任從灰。

其三

北邙松柏鎖愁煙。燕子樓中思悄然。自埋劍履歌塵散。紅褪香銷一十年。

答白公

自守空樓歛恨眉。形同春後牡丹枝。舍人不會人深意。訝道泉臺不去隨。

張窈窕 蜀人春思詩

門前梅柳爛春輝。閉妾深閨繡舞衣。燕子不知腸欲斷。銜泥故故傍人飛。

其二

井上梧桐是妾移。夜來花發最高枝。忽然不向深閨種。春過門前爭得知。

上成都卽事

昨日買衣裳。今日賣衣裳。衣裳渾賣盡。羞見嫁時箱。有賣愁仍緩。無時心轉傷。故園戎虜隔。何處事蠶桑。

贈有思

與君咫尺長離別，遣妾容華為誰說。夕望層城眼欲穿，曉臨明鏡腸斷絕。

葛鵲兒懷良人詩

蓬髮荆釵世所希，布裘猶是嫁時衣。胡麻好種無人種，正是歸時不見歸。

會仙詩

彩鳳搖搖下翠微，煙花漠漠徧芳枝。玉窗仙會何人見，惟有春風仔細知。

其二

煙霞迤邐接蓬萊，宮殿參差曉月開。羣玉山前人別處，紫鸞飛起望仙臺。

楊德麟

楊敬之

女題奉慈寺

日月金輪動旃檀，碧樹秋塔分鴻雁。趨鐘挂鳳皇樓。

長孫佐輔妻答外詩

征人去歲戍邊來，夜得邊書字盈紙。揮刀就燭裁紅綺，結作同心答千里。君寄邊書書莫絕，妾

答同心心自結同心再解不心離離家頻看字
愁滅結成一衣和淚封封書只在懷袖中莫如
書字固難久願學同心長可同

薛瓊賦荆門

黃鳥畚紅樹青牛卧綠苔諸宮歌舞地輕霧鎖
樓臺

陳玉蘭

王駕妻

寄外征衣

夫戍邊關妾在吳西風吹妾妾憂夫一行書寄
千行淚寒到君邊衣到無

崔公達獨夜詞

晴天霜落寒風急錦帳羅幃羞更入秦箏不復
續斷絃迴身掩淚挑燈立

王氏

永福令潘君妻

汰王灘寄夫詩

何事潘郎戀別筵離情未斷妾心懸汰王灘下
相思處猿叫空山月滿船

劉元載妻詠早梅

南枝向暖北枝寒一種春風有兩般憑仗高樓
莫吹笛大家畱取倚欄干

張琰春詞

垂柳鳴黃鸝，關關若求友。春情不可耐，愁殺閨中婦。日暮登高樓，誰憐小垂手。

其二

昨日桃花飛，今朝梨花吐。春色能幾時，那堪此愁緒。蕩子遊不歸，悲來淚如雨。

銅雀臺

君王冥冥不可見，銅雀歌舞空徘徊。西林寂寂悲宿鳥，空殿亭亭閉青苔。青苔無人跡，紅粉空

相哀

裴羽仙

邊將裴悅妻

邊將詩

風卷平沙日欲曛，狼煙遙認犬羊羣。李陵一戰無歸日，望斷胡天哭塞雲。

其二

良人平昔逐蕃渾，力戰輕生出塞門。從此不歸成萬里，空畱賤妾怨黃昏。

寄夫征衣

深閨乍冷開香匣，玉筯微微濕紅頰。一陣霜風

歷代詩選 唐詩卷一
殺桺條濃煙半夜成黃葉重重白練如霜雪獨
下寒階轉淒切祇知抱杵搗秋砧不覺高樓已
無月時聞寒雁相呼喚紗窗只有燈相伴幾展
齊紈又懶裁離腸空逐金刀斷細想儀形執刀
尺回刀剪破澄江色愁捻銀針信手縫惆悵無
人試寬窄時時舉袖勻殘淚紅箋謾有千行字
書中不盡心中事一半殷勤託邊使

梁瓊銅雀臺

歌扇向陵開齊行奠玉杯舞時飛燕列夢裏片

雲來月色空遺恨松聲莫更哀誰憐未死妾掩
袂下銅臺

昭君怨

自古有和親天移到妾身朔風嘶去馬漢月弔
行輪衣薄狼山雪粧成虜塞春回看父母國生
死畢胡塵

劉氏婦詠明月堂

蟬鬢驚秋華髮新可憐紅隙盡埃塵西山一夢
何年覺明月堂前不見人

其二

玉鈎風急響叮咚回首西山似夢中明月堂前
人不到庭梧一夜老秋風

玉簫韋平婢別外詩

黃雀含來已數春別時畱解贈佳人長江不見
魚書至為見相思夢入秦

步非煙武公叢妾酬趙生詩

綠慘雙蛾不自持只因幽恨在新詩郎心應似
琴心怨脉脉春情更付誰

寄趙生

畫簷春燕須同宿蘭浦雙鴛肯獨飛長恨桃源
諸女伴等閑花裏送郎歸

贈趙生

相思只恨難相見相見還愁却別君願得化為
松上鶴一雙飛去入行雲

寄趙生蟬錦香囊并詩一首

無力巖粧倚繡櫳暗題蟬錦思難窮近來贏得
傷春病柳弱花欹怯曉風

崔鶯鶯賦明月三五夜

待月西廂下迎風戶半開
隔牆花影動疑是玉人來

別微之

弃置今何道當時且自新
還將舊來意憐取眼前人

絕微之

自從消瘦減容光萬轉千迴懶下牀
不爲傷人羞不起爲郎憔悴却羞郎

王氏贈李生

念子還相思見環重相憶
願君永持翫循環無終極

劉雲有所思

朝亦有所思暮亦有所思登樓望君處
靄靄浮雲飛浮雲遮却蕭關道
掩淚誰知妾懷抱玉井蒼苔春院深
桐花落盡無人掃

健行怨

君恩不可見妾豈如秋扇秋扇尚有時
妾身永

微賤莫言朝花不復落嬌容幾奪昭陽殿

劉瑤古意曲

梧桐階下月團團洞房如水秋夜闌吳刀剪破
機頭錦茱萸花墜相思枕綠窗寂寞背燈時暗
數寒更不成寢

暗別離

槐花結子桐葉焦單飛越鳥啼清宵翠軒轅雲
輕遙遙胭脂淚迸紅線條瑤草歇芳心耿耿玉
佩無聲畫屏冷朱絃暗斷不見人風動花枝月

中影青鸞脉脉西飛去海濶天高不知處

闔閭城懷古

五湖春水碧連天國破君王不計年惟有妖娥
曾舞處蘇臺寂寞起寒煙

張瑛望月詩

天漢涼秋夜沈沈一鏡明山空猿屢嘯林靜鶴
還驚

姚月華古怨

春草萋萋春水綠對此思君淚相續羞將離恨

向東風理盡秦箏不成曲

又

與君形影分吳越玉枕經年對離別登臺北望
煙雨深回身哭向寥天月

楚妃怨

梧桐葉下黃金井橫架輓轡牽素綆美人初起
天未明手拂銀瓶秋水冷
有期不至

銀燭青罇久延佇出門入門天欲曙月落星稀

竟不來煙柳曠曠鵲飛去

廉氏寄征人詩

淒淒北風吹鴛被娟娟西月生蛾眉誰知獨夜
相思處淚滴寒塘蕙草時

峽中卽事

清秋三峽此中去鳴鳥孤猿不可聞一道水聲
多亂石四時天色少晴雲日暮泛舟溪澗口那
堪夜客思氛氲

懷遠

青林有蟬響赤日無鳥飛
狝狝東南望雙淚空沾衣

蔣氏

蔣凝女 陸濛妻

喜酒詩

平生偏好酒勞爾勸吾餐
但得樽中滿時光度不難

崔萱

字伯容

古意詩

灼灼葉中花夏萎春又芳
明明天上月蟾缺圓復光

敘別

碧池濛濛春水綠中有佳禽
暮棲宿願持此意

永相詒祇慮君情中反復

豪家子

年少家藏累代金紅樓盡日醉
沈沈馬非蹀躞

寧酬價人不嬋娟肯動心

薛瑗

南楚材妻 濛梁人

寫真寄外

欲下丹青筆先拈寶鏡寒
已驚顏索寞漸覺鬢凋殘
淚眼描將易愁腸寫出難
恐君渾忘却時展畫圖看

安邑坊女幽恨篇

卜得上峽日秋天風浪多江陵一夜雨腸斷木

蘭歌

李弄玉

會稽人

哀憤詩

昔逐良人西入關良人身沒妾空還謝孃衛女
不相見為雨為雲歸舊山

京兆女子題興元明珠亭

寂寞滿地落花紅獨有離人萬恨中回首池塘
更無語手彈珠淚背東風

湘驛女子題玉泉溪

紅葉醉秋色碧溪彈夜弦佳期不可再風雨杳
如年

韓僕射姬贈別詩

風柳搖搖無定枝陽臺雲雨夢中歸他年蓬島
音塵絕畱取樽前舊舞衣

李節度使姬書紅綃帕詩

囊裏真香誰見竊絞綃滴淚染成紅殷勤遺下
輕綃意好與情郎懷袖中

會張生述懷

門前畫戟尋常設，堂上犀簪取次看。最是惱人情緒處，鳳皇樓上月華寒。

黃崇嘏辭蜀相妻女詩

一辭拾翠碧江濬，貧守蓬茆但賦詩。自服藍衫居郡掾，永拋鸞鏡畫蛾眉。立身卓爾青松操，挺志堅然白壁姿。幕府若容為坦腹，願天速變作男兒。

任氏侯繼

秋翠歛蛾眉，為鬱心中事。擗管下庭除，書成相思字。此字不書石，此字不書紙。書向秋葉上，願逐秋風起。天下有心人，盡解相思死。天下負心人，不識相思字。有心與負心，不知落何地。

看娘和錦城春望

蠶市初開處處春，九衢明豔起香塵。世間總有浮華事，爭及仙山出世人。

葛氏女和潘雍詩

九天天遠瑞煙濃，駕鶴驂龍意已同。從此三山

山上月瓊花開處照春風

后土夫人已下羣仙附

偶引羣仙到世間薰風殿裏醉華筵等閑貪賞不歸去愁殺韋郎一覺眠

王母

滄海成塵幾萬秋碧桃花發長春愁不來便是數千歲周穆漢皇何處遊

麻姑

世間何事不推遷順得人情命不延適向蔡家

廳上飲回頭已是二千年

上元夫人

思量往事一宵中阿母曾邀到漢宮城闕不存人不見茂陵荒草恨無窮

弄玉

采鳳飛來到禁闈便隨王母駐瑤池如今記得秦樓上偷見蕭郎惱妾時

曹文姬送春詩

仙家無夜亦無秋紅日清風滿翠樓遙望碧霄

歷代詩選

唐附妓女

三五

歸路穩可能同駕五雲蚪

卓英英

巴下妓女附

錦城春望

和風裝點錦城春
細雨如絲壓玉塵
謾把詩情訪奇景
艷花濃酒屬閒人

理笙

頻倚銀屏理鳳笙
調中幽意起春情
因思往事成惆悵
不得縑山和一聲

遊福感寺答少年

牡丹未及開時節
况是秋風莫近前
畱得來年

二三月一枝和露壓神仙

答玄士

數載幽欄種牡丹
裹香包艷待神仙
神仙既有丹青術
携取何妨入洞天

和理笙

但于閨閣熟吹笙
太白真仙自有情
他日丹青驂白鳳
何愁子晉不聞聲

趙鸞鸞雲鬟詩

擾擾香雲濕未乾
鴉翎蟬翼膩光寒
側邊斜插

歷代詩選

唐詩下卷一百

三五

王

黃金鳳粧罷夫君帶笑看

柳眉

彎彎柳葉愁邊戲湛湛菱花照處頻
嫵媚不煩螺子黛春山畫出自精神

檀口

銜杯微動櫻桃顆咳唾輕飄茉莉香
曾見白家樊素口瓠犀雙顆綴榴房

酥乳

粉香汗濕瑤琴軫春逗酥融白鳳膏
浴罷檀郎

捫弄處露華涼沁紫蒲萄

纖指

纖纖軟玉削春葱長在香羅翠袖中
昨日琵琶絃索上分明滿甲染猩紅

薛氏詠春

花朵幾枝柔傍砌柳絲千縷細搖風
霞明半嶺西斜日月上孤村一樹松

夏

涼回翠簾冰人冷齒沁清泉夏井寒
香篆裊風

青縷縷紙窗明月白團團

秋

蘆雪覆汀秋水白柳風凋樹晚山蒼孤燈客夢
驚空館獨雁征書寄遠鄉

冬

天凍雨寒朝閉戶雪飛風冷夜關城鮮紅炭火
圍爐煖淺碧茶甌注茗清

徐月英送人詩

惆悵人間萬事違兩人同去一人歸生憎平望

亭前水忍照鴛鴦相背飛

敘懷

為失三從泣淚頻此身何用處塵氛雖然日逐
笙歌樂常羨荆釵與布裘

杜秋娘金縷詞

勸君莫惜金縷衣勸君莫惜少年時花開堪折
直須折莫待無花空折枝

薛濤

字洪度
蜀人

春望詞

花開不同賞花落不同悲欲問相思處花開

落時

其二

檻草結同心將以遺知音春愁正斷絕春鳥復

哀吟

其三

風花日將老佳期猶渺渺不結同心人空結同

心草

其四

那堪花滿枝翻作兩相思玉箸垂朝鏡春風知

不知

蟬

露滌清音遠風吹故葉齊聲聲似相接各在一

枝栖

月

魄依鉤樣小扇逐漢機團細影將圓質人間幾

處看

池上雙鳥

雙栖綠池上朝暮共飛還更憶將雛日同心蓮

歷代詩選

是如女詩

五

葉間

罰赴邊有懷上韋令公

聞道邊城苦今來到始知羞將門下曲唱與隴

頭兒

又

點虜猶違命烽煙直北愁却教嚴譴妾不敢向

松州

鴛鴦艸

綠英滿香砌兩兩鴛鴦艸但娛春日長不管秋

風早

續父并桐吟

庭除一古桐聳榦入雲中枝迎南北鳥葉送往

來風

送友人

水國蒹葭夜有霜月寒山色共蒼蒼誰言千里

自今夕離夢杳如關路長

送盧員外

玉壘山前風雪夜錦官城外別離魂信陵公子

歷代詩選

唐詩卷一百

三

丁

如相問長向夷門感舊恩

題竹郎廟

竹郎廟前多古木夕陽沈沈山更綠何處江村有笛聲聲聲盡是迎郎曲

上川王武相國二首

落日重城夕霧收玳筵雕俎薦諸侯因令朗月當庭燎不使珠簾下玉鈎

又

東閣移尊綺席陳貂簪龍節更宜春軍城畫角

三聲歇雲幕初垂紅燭新

憶荔枝

傳聞象郡隔南荒絳實豐肌不可忘近有青衣連楚水素漿還得類瓊漿

送姚員外

萬條江柳早秋枝裊地翻風色未衰欲折爾來將贈別莫教煙月兩鄉悲

別李郎中

花落梧桐鳳別凰想登秦嶺更淒涼安仁縱有

詩將賦一半音詞雜悼

酬文使君

延英曉拜漢恩新五馬騰驤九陌塵今日謝庭
飛白雪巴歌不復舊陽春

賦凌雲寺

聞說凌雲寺裏苔風高日近絕纖埃橫雲點染
芙蓉壁似待詩人寶月來

又

聞說凌雲寺裏花飛空遠磴逐江斜有時鎖得

蟾蜍鏡鏤出瑤臺五色霞

送鄭眉州

雨暗眉山江水流離人掩袂立高樓雙旌千騎
駢東陌獨有羅敷望上頭

菱苻沼

水荇斜牽綠藻浮柳絲和葉卧清流何時得向
溪頭賞旋摘菱花泛去舟

春郊遊眺寄孫處士

低頭久立向薔薇愛似零陵香惹衣何事碧溪

歷代詩選 月如女詩
孫處士伯勞東去燕西飛

試新服裁製初成

紫陽宮裏賜紅綃仙霧朦朧隔海遙霜兔毳寒
冰蠶靜嫦娥笑指織星橋

又

九氣分爲九色霞五靈仙馭五雲車春風因過
東君舍偷樣人間染百花

柳絮

二月楊花輕復微春風搖蕩惹人衣他家本是

無情物一任南飛又北飛

贈遠

芙蓉新落蜀山秋錦字開緘到是愁閨閣不知
戎馬事月高還上望夫樓

又

擾弱新蒲綠又齊春深花落塞前溪知君未轉
秦關騎月照千門掩袖啼

酌杜舍人

雙魚底事到儂家撲手新詩片片霞唱到白蘋

歷代詩選 唐詩 卷一百一十三
洲畔曲芙蓉空老蜀江花

武昌妓續韋瞻句

悲莫悲今生別離登山臨水送將歸武昌無限
新栽柳不見楊花撲面飛

章臺柳氏答韓節度

楊柳枝芳菲節可恨年年贈離別一葉隨風忽
報秋縱使君來豈堪折

襄陽妓送武補闕

弄珠灘上欲消魂獨把離懷寄酒樽無限煙花

不畱意忍教芳草怨王孫

平康妓書紅箋詩

銀缸斜背解鳴璫小語偷聲賀玉郎從此不知
蘭麝貴夜來新惹桂枝香

劉淑柔中秋夜泊武昌

兩城相對峙一水向東流今夜素娥月何年黃
鶴樓悠悠蘭棹晚耿耿荻花秋無奈柔腸斷關
山總是愁

盛小叢詠突厥三臺

雁門山上雁初飛，馬邑關中馬正肥。日旰山西
逢驛使，殷勤南北送征衣。

周德華楊柳枝辭

清江一曲柳千條，二十年前舊板橋。曾與情人
橋上別，更無消息到今朝。

趙虛舟贈戲

砌下梧桐葉正齊，花繁雨後壓枝低。報道不須
鴟鳥亂，他家自有鳳皇栖。

妓常浩贈鄭女郎古意

昨夜巫山中，失却陽臺女。朝來香閣裏，獨伴楚
王語。艷陽灼灼，河洛神珠簾繡戶。青樓春能彈
箜篌，弄纖指。愁殺門外少年子，笑開一面紅粉
粧。東園幾處桃花死，朝理曲暮理曲，獨坐窗前
一片玉。行也嬌，坐也嬌，見之令人魂魄消。堂前
錦褥紅地爐，綠沈香榼傾屠蘇。解佩時時歌
管芙蓉帳，裏蘭麝滿。晚起羅衣香不斷，滅燭每
嫌秋夜短。

此一首已在左

贈友人

歷代詩選 唐詩 卷之三
聞道東山逸興多，爲憐明月映滄波。不辭紅粉隨君去，其奈蒼生有望何。

閨情

門前昨夜信初來，見說行人卒未迴。誰家樓上吹橫笛，偏送愁聲向妾哀。

贈盧夫人

佳人惜顏色，恐逐芳菲節。日暮出畫堂，階下見新月。拜月仍有詞，傷人那得知。歸來玉堂下，始見淚痕垂。

太原妓寄歐陽詹

自從別後減容光，半是思郎半恨郎。欲識舊來雲髻樣，爲奴開取縷金箱。

劉采春囉唸曲

不喜秦淮水生憎，江上船載兒夫婿。去經歲又經年。

其二

借問東園柳，枯來得幾年。自無枝葉分，莫怨太陽偏。

其三

莫作商人婦金釵當卜錢朝朝江口望錯認幾人船

其四

那年離別日只道在桐廬桐廬人不見今得廣

州書

其五

昨日北風寒牽舩浦裏安潮來打纜斷櫂櫂始知難

紅綃妓憶崔生

深洞鶯啼恨阮郎偷來花下翠珠璫碧雲飄斷音書絕空倚玉簫愁鳳皇

蓮花女呈陶處士

蓮花為號玉為腮珍重尚書遣妾來處士不生

夢峽夢虛勞雲雨下陽臺


石倉十二代詩選

唐卷之一百 終

歷代詩選

唐女詩

三



初盛中晚之唐詩若干堆編
病裏隨見以朱而抹之
羅浮夕顏巷道春

三才圖會卷之二十一

初盛不... 應... 有... 備...
... 見... 以... 而... 其... 中...
... 得... 大... 始... 自... 然...

